

نومرو ۱۹

[ایکنجی سنه



خزینہ اوراق

مؤسسی

محمود جلال الدین

تاریخ طبعی

۲۵ جمادی الاخر سنه ۱۳۰۳

تاریخ تأسیسی

۱ مایس سنه ۱۲۹۷

بو رسالهء ادبیہ جمعہ ایرتسی کونلری حیقار

غرض

جمعیت بشره تفرقه لر ویرن غرضدر .

غرض ایکی حکمدار مسالمتکارک حضور سلطنتنه چیقار
برینک مملکتی وسعتی معموریتلی کوستر . دیگرینه
تجاوز و تخریب ایتدیرمک استر . اوته کنک قدر و مرتبه
سنی عالی بیلدیرر اولکنه تسلط و تحقیر ایتدیرمکه اوغراشیر
غرض ایکی علامه جلیل القدرک مجالس فضیلتنه وارر .
ایکی وزیر سیاست پرورک کلک عرفاننده کیزلنور هر کسی
ایکیسندنده تنفیر ایدر . ایکی سردار جنکاورک سیف
جلادتنه یاشور بربرندن ایکیسنی ده دلگیر ایلر .

غرض ایکی شاعر ساحر دیوان طبعنه کیرر . برینه
دیگرینک مدحیه سی حقنده هجویه لر سویلدیرر . دیگرینه
اولکنک مذمتیه صحیفه لرینی تلویث ایتدیرر . ایکی استاد
ماهرک تدریسگاه معرفته صوقیلور ایکیسنه بربرینک
علیهنده درس ویردیرر !! تعلیم و تدریسه بدل ایکیسنی ده
القای جهل و غفلته سوق ایدر .

غرض ایکی یار خوش اطوارک چمنزار عشقنده

کزینور برینک حسنده قصور . برینک عشقنده نقصان
 کوستر . ایکی عیال وفادارک خوابگاه انسیتنه صاقلانور .
 برینک مزاجنه حدت برینک طبیعتنه برودت القا ایدر .
 الحاصل غرض مدعی صلاحیتله محکمہ دیانتہ سفیر
 صفتنده مجلس دولته معارض جسارتیلہ شورای ملتہ عابد
 قیافتندہ موقع تقوایہ کیرر .

حکیم مکانتیلہ مجمع فضلیہ بر متفق ضابطہ طورندہ
 خیمہ امرایہ بر کوزل خیال طرزندہ انجمن ادبیہ رقاصہ
 نوازشریلہ بزم احبایہ کیرر .

آثار محرمیت کی دائرہ تعلقاتہ اسباب صحت کی
 حجرہ طبایہ واسطہ معرفت کی مکتب اطفالہ سائتہ
 منفعت کی دکان اخذ و اعطایہ داخل اولور .

عاشقہ تلطیفلرندہ فاحشہ تکلیفلرندہ کورونہ رک
 بر کنجک ذہنہ عارفانہ توجیہلر ہاتفانہ تنبیہلر ایدرک
 بر اختیارک خاطرینہ کلیر .

لطف و بیان کی لسانہ ذوق و ہجران کی قلبہ حسن
 و آن کی وجہ و سیماہ عارض اولور . (*)

(*) اکرم بک افندی حضرتلریلہ الحاج ابراہیم افندی حضرتلری
 مابینہ شرفیاب دخول اولش چوقی ؟